

ՀԱՂՈՐԴՈՒՄՆԵՐ ԵՎ ՀՐԱԳԵՐԱԿՈՒՄՆԵՐ

ՆՈՐԱՀԱՅՏ ԷՋԵՐ ԹՈՒՄԱՆՅԱՆԻ ԺԱՌԱՆԳՈՒԹՅՈՒՆՆԵՐ

Ստորև հրապարակվող «Մի ավանդություն» հոդվածը և տասներկու անեկդոտները Հովհաննես Թումանյանի առաջին տպագիր ելույթներն են մամուլում, որոնք, սակայն, մինչև այժմ անհայտ են մնացել ոչ միայն ընթերցող շրջաններին, այլև մասնագետ-գրականագետներին: Դրա պատճառն այն է, որ բոլոր այդ նյութերը ժամանակին տպագրվել են անստորագիր, իսկ հետագայում Թումանյանը այլևս չի վերադարձել դրանց, նրա հոդվածներում ու նամակներում այդ մասին որևէ վկայություն կամ ակնարկ չի պահպանվել: Ու թերևս այս էջերը մեկընդմիջտ կորչեին Թումանյանագիտության համար, եթե չլիներ մի անառակելի փաստ: Բարեբախտաբար, Թումանյանի պատանեկության ու երիտասարդական տարիների ամենամտերիմ ընկերներից մեկը՝ Անուշավան Արովյանը իր հուշերում համապատասխան վկայություն է բողբել այդ մասին: Դրականության և արվեստի քանդաճումը ձեռագիր վիճակում պահպանվող այդ հուշերում («Իմ հիշատակարանը») կարդում ենք այսպիսի տողեր. «Թումանյանը առաջին անգամ գրական ասպարեզ մտավ «Նուր-դար» օրաթերթում մի նամակ տպելով Դսեղ գյուղի ընդհանուր նկարագրությամբ և գյուղացիների նիստ ու կացի մասին: Այնուհետև սկսեց լուսնիների կյանքից մի շարք անեկդոտներով ողողել «Նուր-դարի» էջերը»: Ահա և բոլորը: Ինչպես տեսնում ենք, Ան. Արովյանը չի հիշատակում այդ նյութերի վերնագրերն ու հրապարակման ժամանակը, բայց պարզ է, որ խոսքը վերաբերում է 80-ական թվականների երկրորդ կեսին (մինչև 1890 թվականը, երբ Թումանյանն արդեն հրապարակ իշավ իր պոեմների ու բանաստեղծությունների առաջին զբոսը):

«Նուր-դարի» մի քանի տարիների կոմպլեկտներում կատարած որոնումները լիովին հաստատեցին Ան. Արովյանի հաղորդածը. պարզվեց, որ այդ թերթի 1887 թ. հուլիս-օգոստոս ամիսների մի շարք համարներում իրոք տպագրված են նրա հիշատակած նյութերը: Դա մի անստորագիր (ավելի ճշգրիտ՝ երեք աստղանիշով ստորագրված) հոդված է Դսեղ գյուղի աշխարհագրական դիրքի, կենցաղի, հնությունների մասին՝ «Մի ավանդություն» վերնագրով (№ 136) և 12 փոքրիկ անեկդոտանման պատմություններ լուսնիների կյանքից (№ № 121, 132, 133, 134, 136, 137, 140): Հոդվածի և անեկդոտների բովանդակությունը, ինչպես նաև հեղինակի վկայությունը իր դսեղի լինելու մասին, ոչ մի կասկած չեն բողբում, որ դրանք իրոք Թումանյանի առաջին տպագիր այն ելույթներն են, որոնց մասին հիշում է նրա բարեկամը:

Հրապարակվող նյութերը նոր լույս են սփռում մեր ազգային մեծագույն բանաստեղծի գրական բեմելի վրա, որը տեղի է ունեցել 1887 թվականին, այլ ոչ թե 1890-ին, ինչպես ընդունված է եղել մինչև այժմ: Եվ նշանակալից է, որ իր առաջին իսկ տպագիր ելույթներում ապագա մեծ բանաստեղծն արդեն դրսևորում էր իր բուռն հետաքրքրությունը ժողովրդի պատմության և ներկայի, կյանքի ու կենցաղի, ավանդությունների, կենդանի բառ ու բանի նկատմամբ:

Թումանյանի հոդվածն ու անեկդոտները հրապարակվում են ըստ «Նուր-դարի» տեխստի. պահպանելով ուղղագրության և կետադրության առանձնահատկությունները:

ԷԴ. Մ. ԶՐԲԱՇՅԱՆ

ՄԻ ԱՎԱՆԴՈՒԹՅՈՒՆ

Շատ անգամ պատմության մուր կետերը մեզ պարզաբանում և լրացնում են ավանդություններն ու արձանագրությունները: Բայց տարաբաղդարար մեր ժողովուրդը դիտես միայն ինքն ասում ու ինքն է լսում իրեն «պապական խոսքը»՝ ավանդությունը: Դյուղացու պատմախոսի՝ ավանդապահ ծերունի ձայնը դուրս չեկավ իրեն օդայի շորս մրուտ պատերից: Ըշմարիտ է, թեև եղան ան-

ձեռք, որ փորձեր աշխատանքի աշխատողներին զբաղվելու, բայց նրանք էլ դեռ ևս մի որոշ քայլ չարին և դեռ շատ հեռու են իրենց նպատակին հասնելուց, հետևաբար դեռ մեր դրականության մեջ համարյա բոլորովին անմշակ և նույնիսկ պարապ է նրա տեղը: Մեր պարբերական թերթերը, մանավանդ «Նոր-Պար»-ը, հորդոր են կարողում, և հաճախակի հիշեցնում աշխատողներին լրացնելու մեծ անհրաժեշտությունը, հավաքելով ժողովրդի հողու և մտավոր ստեղծագործության արդյունքները: Անկասկած սա ուրախալի երևույթ է, և ինչպես երևում է, աշխատողները սկսում է արձագանք տալ: Անշուշտ սա պետք է համարել ուրախալի երևույթ. ցանկանում ենք սրտագին, որ «Աստղին ճշմարիտ լսող լինի»: Ժողովուրդը շատ նյութ ունի տալու ամեն մեկին:

Դեռ շատ պատմական տեղեր մեր հայրենիքում մնացել են անհայտ ոչ միայն գիտնական աշխարհին, այլ և մեր գրագետներին: Այդ դասին է պատկանում և Լոռին՝ շնորհիվ յուր անմատչելի, ամուր դրքի, որ մինչև այսօր պահել է ժողովրդի դուրսագնական ոգին և ստեպ ստեպ ավազակներ, «Իգիթներ», «աժդահաներ» է հարուցել և հարուցանում, իսկ վերջիններս «շլապկավորի» հետ չունին և նրանց գյուր գալու համար պետք է իրենց տարագրվել երևալ նրանց ձորերում: Շատ անգամ հարցասերին չեն պատասխանում և թե պատասխանում են ծուռ ու սխալ, որովհետև վախենում են մի «խաթաբալա» չի դուրս գա մեջիցը:

Դսեղ գյուղը գտնվում է Լոռում, Զորագետ (Բերգուշ կամ Դերեղ) գետի աջ ափի վերա, այնտեղ՝ ուր նրա երկու մեծ ճյուղերը միանում են: Նա կղզիացած է Լոռու անդնդախոր ձորերի մեջ գտնվող մի փոքրիկ հարթավայրի վերա, երեք կողմից ձորերով, ժայռերով և շորրորդ կողմից՝ հարավից մի փոքրիկ լեռնաշղթայով պատած:

Դսեղ բառը կարծելի է, որ «դուրս տեղ» բառերից լինի կրճատված յուր զատված գրքի հարմար: Բնակիչները զուտ հայեր են՝ հարյուր տնից ավելի: Դսեղը հայտնի է յուր «Իգիթներով», բնակիչների կյանքի սահմանը իրենց երկրագործական մաճն է, հովվական մահակը և որսորդական հրացանը: Խոսելով փոքր ի շատե Դսեղի մասին իմ նպատակս է պատմել մի ավանդություն, որ իբրև տեղացի լսել եմ ծերերից:

Ավանդությունը սուրբ ու անշփոթ պահելու համար անհրաժեշտ են երկրի ամուր դիրք և ժողովրդին խաղաղ կյանք. բազմահալած մի ժողովուրդ չէ կարող սուրբ ու անշփոթ պահել յուր «պապական խոսքը»՝ ավանդությունը:

Դսեղի գիրքը իսկապես շատ ամուր է, սակայն բազմաթիվ ավերակները ապացույց են, որ աշխարհավեր փոթորիկներ են անցել այս տեղով և ինչ ասել կուզե որ միայն շինությունները չեն ենթարկվել նրանց կործանիչ ազդեցության: Այդ ամուր անկյունում ևս անպակաս է եղել խռովություն, սուր և հալածանք: Նրա բնակիչները ցույց են զանազան կողմեր և այժմ ամբողջ գյուղեր են կազմում: Եղել է ժամանակ, որ գյուղն ամայի անմարդաբնակ է մնացել և բնակիչները գաղթել են ժամանակավորապես, օրինակ՝ Վրաստան: Դսեղ գյուղի հին նշանները ցույց են տալիս, որ նա եղել է երբեմն մեծ և հարուստ: Գյուղից շատ ու քիչ հեռավորության վերա գյուղացիները շինության համար քար հանելու ժամանակ գետնի տակից գտնում են տան պատեր, գոնազան տեսակ ամանի կտորներ և այլ իրեր: Գյուղացիներից մեկը օրինակ տան տեղ փորելու ժամանակ գտավ գետնի տակ երկու մեծ սենյակի տեղ՝ սալած բավական մեծ մեծ կարմիր ներկած աղյուսներով: Մի կողմը կար մի փոքրիկ տաշտածև ա-

վազան քարյա՝ իսկ մեջ տեղը մի աղյուս շորս մաս բաժանած գծերով և ամեն մասում մի կնիք և մի տառ (ոչ հա՛յերեն), որոնց նշանակությունը դեռ չէ բացատրված: Իժմադղաբար չկարողացա ընդօրինակել այդ, որովհետև վերանցորենի շտեմարան էր շինած: Գյուղացիները այդ տան տեղին «Թագավորի աղջկա բաղնիս» են անվանում: Գյուղի շրջակայքում կան շատ հանգստարաններ, որոնցից մի քանիսն արդեն անհատացել են և տեղերը երկրագործի խոփն է վարում:

Գյուղի մեջ գտնվում են երկու հանգստարաններ՝ հին և նոր: Հինը, որ բավականին մեծ է, լիքն է խաչարձաններով: Այդ խաչարձաններից նշանավոր են երկուսը բարձրությամբ մոտ երկու սաժեն: Նրանցից մեկը խաչարձանն է կանգնած երեք մեծ քարերից կազմած պատվանդանի վերա. նրա գլուխն ևս, որպես առհասարակ խաչարձանների, խոնարհեցրած է, գուցե անձրևից պահպանելու համար, և կոչվում է «ծածկան» (ջուկ քար է): Նրա քանդակները շատ նուրբ են:

Խաչարձանի ճակատին (ծածկանի վերա) քանդակած է Փրկիչը նստած զիրքով աջ ձեռքով բարձրացրած, իսկ ձախ ձեռքին բռնած մագաղաթ՝ վերան գրած «Ես եմ լույս աշխարհի», շուրջը այլ պատկերներ և ներքև կա խաչած Հիսուսը. խաչի գլխին գրած է «Սա է Թագավոր հրէից», աջ կողմից մի աջ և մի թղթված, շուրջը «Աջ Տեառն և հոգի Աստուծոյ». ապա խաչյալ Հիսուսի բևեռած մի ձեռքից մինչև մյուսը խաչի վերա «Ձեռք որ զերկինս արարին տարածեցան ի խաչիս». խաչի մի կողմը կանգնած են «Հովհաննես» և «Նիկողոսիմոս», մյուս կողմն «Աստվածածին» և «Հովսեփ», ձեռքին «կտավ». խաչի ներքև գլուխն է «Աղամ»-ի:

Պատվանդանի վերա կա հետևյալ արձանագրությունը, որ իսկապես մեր ուշադրության ամենից ավելի արժանի մասն է.

Ի թվ. 21.

Ողորմութեամբն Աստուծոյ ես Տէրունս որդի խարըին իմ աղբէրացովս կանգնեցի զԽէչս յանուն Գրիգորոյ որ զուր և դառն մահուամբ ի Քրիստոս փոխեցաւ որ է պարծանաց և զմարդոյ եղբայր մեր որք երկրապագէք յաղաթս յիշեցէք», պատվանդանի ձախ երեսին՝ «Վահրամ յիշեցէք»:

Նույն հանգստարանում հիշյալ արձանից դեպի արևմտահայտիս գտնվում է մի այլ արձան շորս անկյունի և շորս երեսն ևս քանդակած: Այդ քանդակների նշանակությունը զանազան կերպով են բացատրում գյուղացիները:

Նրա պատվանդանի վերա կա հետևյալ բավական անմիտ արձանագրությունը. «Ես Վահրամ զաւտար շինար քաննկ թողի վկայ ապնայն Գագկայ խորիշահ ու խափանէ յժը հաւապետաց նղովեսցի Տէր Աստուած ողորմի մխիթարչինն»:

Գյուղացիները մեր շինած երկու հուշարձանները համարում են քուր և եղբոր խաչարձաններ: Առաջինին եղբայր—Լուսավորիչ, երկրորդին քուր—Աստվածածին անվանելով: Այժմ մենք կաշխատենք գտնել, արդյոք այդ ավանդությունը հիմք ստանո՞ւմ է մեր պատմագրերից ևս:

Առաջինի արձանագրությունից իմացանք, որ զուր ու դառն մահվամբ ի Քրիստոս փոխված մի անձավորություն է Գրիգոր անունով. իսկ երկրորդից իմացանք, թե Գագիկի՞նն է թե խորիշահինը: Եթե ենթադրենք, ժողովրդի ա-

վանդությունը ճշմարիտ է, և քույր ու եղբայր են դրանք, ուրեմն այս մահարձանն էլ քրոջ համարելով՝ կարող է խորհրդահինը լինել և ոչ Գագիկինը, որովհետև խորհրդահ կնոջ անուն է և ոչ Գագիկ: Մականյն ո՞վքեր են դրանք:

Մեր կարծիքով, առաջինը պետք է լինի Գրիգոր Մամիկոնյան Մարզպանը՝ որ ապրում էր ԺԲ դարում և խորհրդահը՝ նրա քույրը: Դսեղ գյուղին մոտերքը գտնվող սուրբ Գրիգոր կոչված մի վանքի արձանագրության մեջ հիշված է «ԹՎ. ՈՂ. Գրիգոր որդի Մարծպանայ...»—«ԹՎ. Ոկզ-նս Կոստանդ որդի Գրիգոր թոռն Համազասպայ...»: Իսկ մեր պատմիչներից էլ Կիրակոս պատմագիրը, որ ժամանակակից էր Գրիգոր Մամիկոնյանին և Սանահին էր ուսանում վանական վարդապետի մոտ, որ նույնպես մոտ է Դսեղին, նետողաց ազգի սովորությունները պատմելուց հետո գրում է. «Զայս ամենա ն պատմեաց մեզ Գրիգոր Մամիկոնյան...» Մի ուրիշ տեղ ևս. «Տես Համազասպայ եղև Մարզպան Հայոց Գրիգոր Մամիկոնեան ամս տասն զոր սպանեն իազերք...» Նույն դարու պատմաբաններից շատերն են հիշում այդ Գրիգորին:

Իսկ երկրորդը—Աստվածածինը, պետք է լինի սրա քույրը—խորհրդահը. որպես հիշած է սուրբ Գրիգորի արձանագրության մեջ «Ամբլեա դայեակ խորհրդահի դստեր Մարզպանայ...»: Իսկ մենք գիտենք, որ վերոհիշյալ Գրիգորն ևս Մարզպանի որդին էր: Կիրակոս պատմագիրը գրում է... «զոր Քուրդ անուանէին հայ ազգաւ կրօնիւք քրիստոնեայ և որգիք իւր Վաչե և Հասան և կին նորա խորիշահ յազգէ Մամիկոնէից զուստր Մարզպանայ քոյր Ասլան-Պէկին և Գրիգորոյ...»:

Մենք կարծում ենք, որ հուշարձանների և ս. Գրիգորի անունով վանքի արձանագիրները և Կիրակոս պատմիչի խոսքերը բավական հաստատություններ են՝ որ այդ գերեզմանները Մամիկոնյան Գրիգորին և նրա քույր խորհրդահին են: Մականյ լսենք, թե ժողովուրդը ինչ ձևով է պատմում այդ ավանդությունը: Մամիկոնյանները ԺԱ և ԺԲ դարերում գոյություն ունեին Դսեղ գյուղում և այնտեղ իրենց համար կալվածներ ունեին որպես հիշված է արձանագրությունների մեջ, որոնցից հայտնի են Ասլանբէկ և Գրիգոր՝ որգիք Մարծպանայ. Համլիկ որդի Սմբատայ, Մարծպան որդի Սարգսի, Սարգիս որդի Սմբատայ, որդուց Համազասպայ-Մարծպանայ, Կոստանդ որդի Գրիգորի թոռն Համազասպայ. Համազասպ Մամիկոնեան. Վասակ որդի Սմբատայ:

Բայց ահա և ավանդությունը:

Մի ժամանակ, երբ Հայոց թագավորությունը առոհն մերջացել էր, ամեն մարդ ինքն յուր գլխի տեր և թագավոր էր համարում: Ահա այս Լուսավորիչն էլ այն ժամանակ յուր համար զորք ու տերություն «սարքած» ժողովուրդը խաղաղ կառավարում էր ու «թշնամու աչքը հանում»: «Անօրենները» որպես իրենց սովորությունն էր հավաքվել էին իրանց երկրիցը, «չու քաշել» ուրիշ աշխարհներ էին քանդում ավարառության ու սպանության համար:

Այս Լուսավորիչը (Գրիգորը), որ մի խելոք, արթուն ու քաջ մարդ է եղել, պահապաններ է կարգել սահմաններումն ու Դդի՝ գլխին մարդիկ է գրել, որ եթե մի անսովոր շարժում տեսնեն՝ զանգահարեն, իմաց անեն իշխանին: «Անօրենները» եկան մոտեցան մեր երկրի սահմանին և իմացան Լուսավորիչ իշխանի

Իդ երեի դետ, դիտել քառիցն է հորինված: Այդպես կոչվում է Դսեղ գյուղի մոտ գտնված մի փոքրիկ թուր:

զորութեան, քաջութեան մասին: Նրանց գլխավորը, որ մի խորամանկ և խելոք մարդ է եղել, կանգնեցրել է յուր զորքին ու ասել. «քաջութիւնը երկու տեսակ է, նրանցից մեկը բազկի է, որի զորութեամբ հասել ենք մինչև այստեղ, իսկ մյուսը՝ խելքի, որ գերազանց է բազկի քաջութիւնից. շատ բաներ պատմում են այս երկրի իշխանի ու ժողովրդի քաջութեան մասին և դուք տեսնում էք, թե որքան անմատչելի է երկիրը: Ասում են, որ այդ իշխանը պահակներ, գիտողներ ունի կարգած և մենք մինչև առաջ դրանց չձեռք բերենք՝ չենք կարող մոտենալ իշխանական շենին»: Այսպես խոսեց և յուր զորքերից կորովիները մի խումբ կանացի շորով՝ ներքուստ ղինվոր, ճանապարհ ընկան իրենց տիրոջ հրամանը կատարելու: Մնացած զորքը նույն տեղում պետք է սպասեր մինչև գիշերվա հասնելը: Ուղարկված ղինվորները հասան և կանացի շորով իբրև ուխտավոր ամեն բան վերջացրին իրենց տիրոջ հրամանի համեմատ — «պահակներին ու դիտողներին սպանեցին»: Յուր ապարանքում քնած միջոցին բարբարոսները հարձակվում են վայրենարար շենի վերա: Գրիգոր իշխանը աղմուկ լսելով, վեր թռավ առավ յուր սուրը և վազեց թշնամու առաջ, բայց արդեն ուշ էր զորքը կարդի բերել. սարսափար ժողովրդի մի մասը փախան ձորերը, մի մասը կովեց և մեռան այն տեղ, սպանվեցավ և Գրիգոր իշխանը: Նրա քույրը (Խորիշահ) լսելով այս, սուր առավ և վազեց եղբորն օգնութիւն, կովեց և նա ևս սպանվեցավ այնտեղ և քույր ու եղբայր թաղվեցան ուր որ ընկան: Անօրենները ավերեցին, քանդեցին շենը, որը կրակեցին, որը ավար առան ժողովրդի ստացվածքից: Ժողովուրդը արձան կանգնեց յուր քաջ նահատակների վերա և հարգեց ու որդոց որդի ավանդեց նրանց արարքն ու վախճանը մեզ:

Ինչպես ընթերցողը տեսնում է, այս ավանդութիւնը ամենևին չէ հակառակում Կիրակոս պատմագրի պատմածին՝ Գրիգոր Մամիկոնյանի մահվան մասին:

Այս բոլորը ի նկատի առնելով, մենք համար անկասկածելի է, որ հիշյալ խաչարձանները պատմական հիշատակներ են Գրիգոր Մամիկոնյանի և նրա Խորիշահ քրոջ վերա:

* * *

[«Նոր-դար», 1887 թ. 15 օգոստոսի, № 136]

(ՄԵՐ ԵՐԿՐԻ ԿՅԱՆՔԻՑ)

Լոռացու պատը.— Մի լոռացու տան առաջից հարևանի խողն անցնելիս շունը հասնում բուրդ պատռում է, խողի ճղղոցին տերը դուրս է գալիս և շնատիրոջը հայհոյելուց հետո գնում է քյոխվին գանգատվում:

Քյոխվեն իսկույն կանչում է շնատիրոջը և հանդիմանելուց հետո վճռում է որ տուգանք տա խողատիրոջ: Շնատերն իրեն պաշտպանում և արդարացնում է. «քյոխվա ջան, գլխիդ դուրբան, որ ես խող ըլեմ դու շուն, ձեր դոնովն խրթխորթալն անցկենալիս չես բուրդ շոխի»:

«Ձէ՛, էս բալամի ասածն էլա ըղորթ», վճռեց քյոխվեն և տուգանքից ազատեց շնատիրոջը:

* * *

Լոռացու օրհնանքը.— Մի լոռացի անցնելիս հարևանը հրավիրում է թաժա հաց ուտելու. «Աղա՛, Սաքո դեսըն արի՛, տաք հաց կտրի».— Շնորհա-

կալ եմ քի մատաղ, խաղաղ եմ, ձեր տաք հաց Աստոծ կտրի», պատասխանում է անցվորը:

* * *

Մի լոռըցու իրան թշնամին պատահում է դաշտում, սաստիկ ծեծում ու հեռանում, նրա հեռանալուց հետո գլուխը բարձրացնում է ծեծվածը և տեսնում մեկ մարդ է գնում դիմացը, ձայն է տալիս նրա ետևից. «Ա՛յ դիմացի գնացող հե՛յ, քի մատաղ ուշկս վրես չէր, էս կնկհավատը շա՛տ էլ տվուց ինձ թե չէ»:

[Մեղր-դար, 1887, 24 հուլիսի, № 121]

* * *

Մի քանի լոռըցի ճանապարհի վերա մի հատ կոշիկ են դնում: Այս ի՞նչ կը լինի, ի՞նչ չի լինի... բայց և ոչ մեկը չէ կարողանում բացատրել թե ի՞նչ բան է դա:

— Ինչ որ ա քյոխվեն անպատճառ կիմանա, որոշում են նրանք և բերում ցույց են տալիս քյոխվին:

— «Վա՛յ, վա՛յ, վա՛յ, հեգնում է քյոխվեն, ըտե՛նց պտեք դուք աշխարքը կառավարվի, բա հլե՞ ինչը հասկանում չեք՝ էս է՛լ չեք հասկանում ի՞նչ ա»:

— «Հա դե մենք ինչ տենք հասկանալ, բո՛ւ մարդիկ ինք, դու մարթ ես տեհել, աշխար ես տեհել, պրիստավի կուշտն էս գնացել, էտ ի՞նչ ա»:

— «Թլնդի բուն ա ի՞նչ ա», բացատրում է հասկացող քյոխվեն:

[8 օգոստոսի, № 132]

* * *

Լոռըցի հովիվը ձայն է տալիս մի սարից դեպի մյուսը, իրեն ընկերին:

— «Հե՛յ, Համբո, Համբո, աղա, քե մատաղ, էն ըբանդ ոքին ասա ձեր իքն ըբել ա իքա ըբել եկեք ըբեցեք, թե չէ էն իքը կը դա կ'ըքի, կասեք գուք եք ըբել» ա սինքն, էն Մարկոսանց Ղուկասին ասա ձեր էծը ծնել ու է բերել, եկեք տարեք թե չէ գայլը կըգա կուտի, կասեք դուք եք կերել:

[12 օգոստոսի, № 133]

* * *

Լոռըցու մեկը, մի ուրիշ դյուղացի աղջկա հետ նշանադրված լինելով՝ գնում է մի օր աներանց գյուղը նշանածատես: Որովհետև ամառնային ժամանակ է լինում, տանեցիք բոլորը կալումն են լինում, բացի մեր երիտասարդի նշանածից՝ որը նրա բաղդից, միայնակ տանն է լինում և սրահը ավելով սրբում:

Երիտասարդը ցանկանալով մի շատ քաղցր, սիրային խոսքով դեպի իրեն դրավել յուր սիրուն նշանածի ուշադրությունը, ասում է «ի՞ ի՞ Մարյա՛ն ջան, գա՛մ-գա՛մ էդ ձեռիդ ավիլն ուտեմ» — «Իմ հորանց էջը խում չե՛ս» — պատասխանում է գայրացած Մարիամը:

[13 օգոստոսի, № 134]

* * *

Գիշերը գողերը մի լողըցու գոմի պատը քանդում են և կովը հանում այն-տեղից: Առավոտը տիրոջ հետ հավաքվում է ժողովուրդը և խորհուրդ են ա-նում, թե ո՞վ կըլինի տալած, բայց չեն իմանում: Վերջապես վճռում են քյոխ-վին դիմել: Գալիս է քյոխվեն, նայում, գլուխը պտտում ու հավաքված ամ-բոխին հանդիմանելով մարգարեանում է՝ «ըմանում եմ ես ձեզանից, բա մար-թիկ չեք, հաց չեք ուտում, էս ինչ դժար իմանալու բան ա, ով որ էս պատը քանդել ա նա կլի տարած»։ — Ա՛յ, այ, որ ասի քյոխվեն կրգիդենա, դարձան միմյանց կանգնողները:

* * *

Մի լոռեցի ձայն է տալիս խոզարածին—հե՛յ՛յ՛, Սարո, Սարո՛ո՛. ադա, չալ մերունը դվեր արա, դվեր արա՛:

— Ադա ո՞ր չալ մերունը, Ե՛ր:

— Էն որ աճարկուտումը առչը բռնել էր:

— Էնչի մհար դվեր անեմ, ընչի՞:

— Ադա պապը մեռել ա ժամ անենք, ժա՛մ, ժա՛մ:

— Ադա խի ա մեռել:

— Բլղըդան ա կերել, բլղըդա՛ն:

[15 օգոստոսի, № 136]

* * *

Մի աղքատ լոռեցի «կալոցին» բարեկամից մի եզն է խնդրում յուր ունե-ցած մի եզի հետ լծելու, որ կալերը կասելուց հետո կրկին վերադարձնել: Բա-րեկամը չէ մերժում: Աղքատը մի կորեկի արտ է ունենում, մի օր գնում է տես-նում, որ տրորած ու կերած է արտը. «Անպատճառ արջն է արել», մտածում է ինքն իրան և գալիս հրացանը վերցնում դնում թաքնվում արտում, որ արջին սպանի: Գիշերը տեսնում է որ արջը մտավ արտը և սկսեց ուտել ու տրորել, արձակում է հրացանը, գնդակահար արջը ընկնում է: Իսկ ինքը մտածելով, թե չից է վիրավորված լինի արջը ու վնաս տա իրեն, սկսում է փախչել: Առավոտը գնում է տեսնում, որ յուր բարեկամից խնդրած եզն է սպանել:

[19 օգոստոսի, № 137]

* * *

Հողըցին ու աշտարակցին հնձում էին միասին: Ճաշի ժամանակ մածուն բերին հնձվորների համար, որոնք մածնաբերթուճը պատրաստելուց հետո տե-սան, որ գդալը մի հատ է երկուսի տեղ: Գդալակոզի-գդալփոխ անելու լողըցին չհամաձայնեց, ասելով, ես գդալով կուտեմ, դու ձեռքով կեր: Ի վերջո վճռեցին որ յուրաքանչյուրը իրենց գլուղներից յոթի անունը տան միմյանց ետևից, ով որ շուտ ասն՝ գդալը տան նրան,— լողըցին վերա տվեց—Դսեղ, Ուցուն, Մարց. Ագարակ, Բերդ, Ամրակից, Գյուլաքալակ, խաշրդի բելա դեարաք. (գդալ դեսն արա): Աշտարակցին չէր հասն կեսը՝ որ լողըցին լպստեց թասը. Բայց այս անեկդուրը աշտարակցին պատմում է ուրիշ կերպով. վեճը միևնույն ա-սարկայի վերա է. միայն այս դեպքում հաղթողը աշտարակցին է: Աշտարակ-ցիները հայտնի են իրենց ճարպիկ լեզվով և սրամտութ.ամբ: Մեր իմացած

դեպքում աշտարակցին վերա է տալիս՝ Ուշի, Օշական, Փարրի, Թյուրական, Թալին, Թալիշ, Մաստարա, գդալի պոչը դեսն արա:

* * *

Մի լոռացի գալիս է քաղաք և տեսնում է որ բոլորն էլ զարդարված են, երբ վերադառնում է զարմացած պատմում է հայրենակիցներին.

— Պաա՛, պա՛, պա՛, ձեզ մատաղ, քաղկցիք չիմ էլ նոր են հրսանիք էլել:

* * *

Լոռացի տիրացուն պարտամուրհակ (Թամասուկ) տվին կարդալու և նա ասպես ասեց.

— «Սիրելի հայր իմ, շատ սիրով»:

— Ինչ ես կարթում տիրացու, ահրամ էս Թամասուկ ա,— ընդհատեց տվողը:

— Հեր օխնած, դե ասա՛ Թամասուկ ա որ Թամասուկավարի կարթամ է՛, հանդիմանեց տիրացուն և սկսեց Թամասուկավարի կարդալ:

[22 օգոստոսի, Մ 140]